

Općinski sud u Sarajevu osudio istupe „Doma“

Uknjižba nacionaliziranih stanova nije zaustavljena

Udruženje „Dom“ ne samo da narušava naš ugled, nego šalje otvorene prijetnje i ucjene uposlenicima, kaže se u saopćenju Suda

Općinski sud Sarajevo najostrije osuđuje kontinuirani pritisak Udruženja građana za zaštitu nosilaca stanarskih prava na nacionaliziranim privatnim stanovima „Dom“ na rad ovog suda, kao i na rad njegovih uposlenika, a koji je prerastao u otvorene prijetnje i ucjene zaposlenima.

Općinski sud u saopćenju za javnost upućen ovim povodom, koje prenosi Fena, navodi kako se stalnim napadima pokušava narušiti normalan rad Suda i nepristrasnost u odlučivanju, te nastoji utjecati na zakonito donošenje odluka.

- Udruženje „Dom“ ne samo



Općinski sud: Pritisak na rad

da narušava ugled Suda putem medija, već šalje i otvorene prijetnje i ucjene u pisanoj formi uposlenicima Zemljišnoknjižnog odjeljenja, a koje se odnose na pokretanje krivičnog postupka protiv njih, ukoliko ne bu-

du donesene odluke kojima će biti udovoljeno njihovim zahtjevima - navodi se.

Općinski sud naglašava kako nije zaustavljena uknjižba nacionaliziranih stanova, nego da se to vrši prema Zakonu o izmjenama i dopunama Zakona o prodaji stanova na kojima postoji stanarsko pravo. Napominje se da će Sud i dalje postupati prema Zakonu, te da nije bilo nikakve naredbe predsjednika Suda o zabrani uknjižbe nacionaliziranih stanova.

U saopćenju se ističe i da će sve pismene prijetnje i ucjene biti prosljeđene Tužilaštvu na daljnji postupak.